



*Jumat, 17 Pebruari 2023*

*Ogen: Kejadin 18:10b-15*



*Kueteh Nge Kam Tawa*



**M**egati si belasken kuan-kuan enda ninta, 'labo tertutupi mata Tuhan alu durung.' Kuan-kuan enda terbelasken adi lit kalak si merso nandangi kai si ibahanna entah kai si enggo pernah ilakokenna. Apaika perbahanenna e si la mehuli.

Sara pe merso, adi tawa ia upung ibelasken Tuhan man Musa maka siwah bulan anri pagi tubuh sekalak anak dilaki ku tengah-tengah jabuna. Lanai akap Sara masuk akal sabab ia ras Abraham perbulangenna enggo metua. Secara biologis lanai banci mupus. Tapi tupung isungkun Tuhan Abraham, engkai maka tawa Sara ndeharandu? Nina Sara ngaloi labo aku tawa. Engkai maka Sara merso? Sabab ieteh Tuhan isi pusuhna, ieteh Tuhan Kai siilakokenna. Amin pe la iidah Tuhan ayona, Sara i bas tenda paksa e, Abram ras Tuhan i bas ruang tamu. Labo rembak inganna e.

Labo saja alu durung mata Tuhan e la tertutup, alu tenda pe labo tertutupi, ingan si ndauh pe la jadi ngolangi mata Tuhan natap isi pusuhna. E maka tupung merso pe Sara ieteh Tuhan. Bali ras pengakun pemasmur, 'tupung aku nangku ki datas deleng si meganjanga, Kam enggo i je, lawes pe aku ku teruh lawit si mbagesna, Kam pe i je, cebuni pe aku i bas ingan si gelap, Kam pe ringan i je.' Si enda nurikenca i ja kita ras katawari gia Tuhan lalap ngidah lagu langkah ras perbahanenta, janah seh ku pusuhna pe ietehna, kai si ajdi tangkelenta pe tangkas man bana, ka sura-sura ras rencana-rencana si ateta silakoen pe ietehNa. Tupung ipersoken sara maka labo ia tawa nina Tuhan, 'Kueteh ngen kam tawa.'

Adi bage kal nge tangkasna penandai Tuhan kerna kita, seh ku pusuhna pe iangkaNa, perlu denga kin kita merso nandangi kai si enggo pernah silakoken subuk man temanta entah pe man Tuhan? Pangen nge kita jujur as ngakui kai si enggo silakoken i lebe-lebeNa gelah dame pusuhna, kita pe mejuah-juah.

*Tuhan meteh seh ku isi pusuh*